

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՀԱՇՎԵՔՆՆԻՉ ՊԱԼԱՏ



## ԸՆԹԱՑԻԿ ԵԶՐԱԿԱՑՈՒԹՅՈՒՆ

ՀՀ ԱԶԳԱՅԻՆ ԱՆՎՏԱՆԳՈՒԹՅԱՆ ԾԱՌԱՅՈՒԹՅԱՆ 2021  
ԹՎԱԿԱՆԻ ՊԵՏԱԿԱՆ ԲՅՈՒՋԵԻ ԵՐԵՔ ԱՄԻՍՆԵՐԻ ԿԱՏԱՐՄԱՆ  
ՆԿԱՏՄԱՄԲ ՀԱՇՎԵՔՆՆՈՒԹՅԱՆ ԱՐԴՅՈՒՆՔՆԵՐԻ  
ՎԵՐԱԲԵՐՅԱԼ

2021

## Բովանդակություն

Ներածական մաս 3 էջ

---

Տեղեկատվություն ֆինանսական  
հաշվետվությունների վերաբերյալ 4 – 6 էջեր

---

Անհամապատասխանությունների և խեղաթյուրումների կամ դրանց  
բացակայության վերաբերյալ գրառումներ 6- 10 էջեր

---

Արձանագրված այլ փաստեր 11 էջ

---

## ՆԵՐԱԾԱԿԱՆ ՄԱՍ

<b>Հաշվեքննության հիմքը</b>	ՀՀ հաշվեքննիչ պալատի 2021 թվականի մայիսի 11-ի թիվ 132-Ա որոշում:
<b>Հաշվեքննության օբյեկտը</b>	ՀՀ ազգային անվտանգության ծառայություն:
<b>Հաշվեքննության առարկան</b>	2021 թվականի պետական բյուջեի երեք ամիսների մուտքերի ձևավորման և ելքերի իրականացման կանոնակարգված գործունեություն:
<b>Հաշվեքննությունն ընդգրկող ժամանակաշրջանը</b>	2021 թվականի հունվարի 1-ից մինչև 2021 թվականի մարտի 31-ը:
<b>Հաշվեքննության կատարման ժամկետը</b>	2021 թվականի մայիսի 19-ից մինչև 2021 թվականի հուլիսի 31-ը:
<b>Հաշվեքննության մեթոդաբանությունը</b>	<p>Հաշվեքննությունն իրականացվել է «Հաշվեքննիչ պալատի մասին» ՀՀ օրենքին, Հաշվեքննիչ պալատի ֆինանսական և համապատասխանության հաշվեքննության մեթոդաբանություններին, «Պետական բյուջեի երեք, վեց, ինն ամիսների և տարեկան կատարման հաշվեքննության ուղեցույցի» համաձայն:</p> <p>Իրականացվել է ֆինանսական և համապատասխանության հաշվեքննություն, որի ընթացքում կիրառվել են հարցում, արտաքին հաստատում, վերլուծական ընթացակարգ, վերահաշվարկ ընթացակարգերը:</p>
<b>Հաշվեքննությունն իրականացնող կառուցվածքային ստորաբաժանում</b>	Հաշվեքննությունն իրականացվել է ՀՀ հաշվեքննիչ պալատի իններորդ վարչության կողմից, որի աշխատանքները համակարգում է Հաշվեքննիչ պալատի անդամ Դավիթ Չիբուխյանը:

## ՏԵՂԵԿԱՏՎՈՒԹՅՈՒՆ ՖԻՆԱՆՍԱԿԱՆ ՀԱՇՎԵՏՎՈՒԹՅՈՒՆՆԵՐԻ ՎԵՐԱԲԵՐՅԱԼ

2021 թվականի առաջին եռամսյակի համար ՀՀ ազգային անվտանգության ծառայությանը պետական բյուջեի «Ազգային անվտանգություն» ծրագրով ճշտված պլանը կազմել է 6,732,315.8 հազ. դրամ, ֆինանսավորվել է 6,478,068.0 հազ. դրամ (աղյուսակ 1):

Աղյուսակ 1

ՀՀ ազգային անվտանգության ծառայության 2021 թվականի առաջին եռամսյակի ֆինանսավորումը պետական բյուջեի «Ազգային անվտանգություն» ծրագրով

հազ. դրամ

Ծրագրային միջոցառում	Հաշվետու ժամանակահատվածի ճշտված պլան	Ֆինանսավորում	Դրամարկղային ծախս	Փաստացի ծախս
Հետախուզական, հակահետախուզական, ռազմական հակահետախուզության, հանցագործությունների դեմ պայքարի և պետական սահմանի պահպանության գործունեության կազմակերպում	4,792,278.5	4,573,229.0	4,163,558.1	4,651,046.1
Ազգային անվտանգության համակարգի ստորաբաժանումների համար դեղորայքի ձեռքբերում	6,698.3	-	-	3,171.5
ՀՀ տարածքում երկաթուղով իրականացվող միջպետական ռազմական փոխադրումների, երկաթուղային կայարաններում կատարվող սպասարկման ծառայություններ	1,000.0	-	-	-
Պաշտպանության բնագավառի այլ ծախսեր	1,904,839.0	1,904,839.0	1,904,839.0	1,904,839.0
Ազգային անվտանգության համակարգի շենքային ապահովվածության բարելավում	27,500.0	-	-	-
Ազգային անվտանգության համակարգի տեխնիկական հազեցվածության բարելավում	-	-	-	3,442.9
<b>Ընդամենը</b>	<b>6,732,315.8</b>	<b>6,478,068.0</b>	<b>6,068,397.1</b>	<b>6,562,499.5</b>

Դրամարկղային և փաստացի ծախսերի 494,102.4 հազ. դրամի տարբերությունը պայմանավորված է նախորդ տարվա ընթացքում պահեստավորված միջոցների օգտագործումով:

«Ազգային անվտանգություն» ծրագրով 2021 թվականի առաջին եռամսյակի ֆինանսավորումը կազմել է ճշտված պլանի 96.2 %-ը, դրամարկղային ծախսը կազմել է 6,068,397.1 հազ. դրամ կամ ճշտված պլանի 90.1 %-ը: Ծրագրի

համար նախատեսվել են արդյունքային (կատարողական) 6 ցուցանիշներ՝ ձեռք բերվող դեղերի անվանատեսակ, քանակ, համակարգչային սարքավորումների քանակ, գրասենյակային գույքի միավոր քանակ և ծառայության ժամկետ, այլ սարքավորումների քանակ, նախագծահետազոտական փաստաթղթերի թիվ: Ծրագրի միջոցառումները վեցն են.

- «Հետախուզական, հակահետախուզական, ռազմական հակահետախուզության, հանցագործությունների դեմ պայքարի և պետական սահմանի պահպանության գործունեության կազմակերպում» միջոցառման կատարման համար առաջին եռամսյակի ծախսը ճշտված պլանով նախատեսվել է 4,792,278.5 հազ.դրամ, ֆինանսավորումը կազմել է 4,573,229.0 հազ.դրամ կամ ճշտված պլանի 95.5 %-ը, դրամարկղային ծախսը՝ 4,163,558.1 հազ. դրամ կամ ճշտված պլանի 86.9 %-ը:
- «Ազգային անվտանգության համակարգի ստորաբաժանումների համար դեղորայքի ձեռքբերում» միջոցառման կատարման համար առաջին եռամսյակի ծախսը ճշտված պլանով նախատեսվել է 6,698.3 հազ.դրամ, ֆինանսավորում և դրամարկղային ծախս չի կատարվել: Միջոցառման իրականացման համար ՀՀ ազգային անվտանգության ծառայությունը 2021 թվականի մարտի 31-ի դրությամբ կնքել է թվով 14 պայմանագրեր՝ 8,073.7 հազ. դրամ ընդհանուր արժեքով:
- «ՀՀ տարածքում երկաթուղով իրականացվող միջպետական ռազմական փոխադրումների, երկաթուղային կայարաններում կատարվող սպասարկման ծառայություններ» միջոցառման կատարման համար առաջին եռամսյակի ծախսը ճշտված պլանով նախատեսվել է 1,000.0 հազ.դրամ, ֆինանսավորում և դրամարկղային ծախս չի կատարվել: Միջոցառման իրականացման համար ՀՀ ազգային անվտանգության ծառայությունը «Հարավկովկասյան երկաթուղի» ՓԲԸ հետ կնքել է թիվ 11/23-2021 պայմանագիր՝ 14,000.0 հազ. դրամ արժեքով:
- «Պաշտպանության բնագավառի այլ ծախսեր» միջոցառման կատարման համար առաջին եռամսյակի ծախսը ճշտված պլանով նախատեսվել է

1,904,839.0 հազ.դրամ, ֆինանսավորումը և դրամարկղային ծախսը կատարվել են 100.0 %-ով:

- «Ազգային անվտանգության համակարգի շենքային ապահովվածության բարելավում» միջոցառման կատարման համար առաջին եռամսյակի ծախսը ճշտված պլանով նախատեսվել է 27,500.0 հազ.դրամ, ֆինանսավորում և դրամարկղային ծախս չի կատարվել:
- «Ազգային անվտանգության համակարգի տեխնիկական հագեցվածության բարելավում» միջոցառման կատարման համար 2021 թվականի ծախսը ճշտված պլանով նախատեսվել է 53,780.6 հազ.դրամ: Միջոցառման իրականացման համար ՀՀ ազգային անվտանգության ծառայությունը 2021 թվականի մարտի 31-ի դրությամբ կնքել է թվով 7 պայմանագրեր՝ 9,306.4 հազ. դրամ ընդհանուր արժեքով: 2021 թվականի առաջին եռամսյակում միջոցառման համար ծախս նախատեսված չէ:

## **ԱՆՀԱՄԱՊԱՏԱՍԽԱՆՈՒԹՅՈՒՆՆԵՐԻ ԵՎ ԽԵՂԱԹՅՈՒՐՈՒՄՆԵՐԻ ԿԱՄ ԴՐԱՆՑ ԲԱՑԱԿԱՅՈՒԹՅԱՆ ՎԵՐԱԲԵՐՅԱԼ ԳՐԱՌՈՒՄՆԵՐ**

ՀՀ հաշվեքննիչ պալատի «Պետական բյուջեի երեք, վեց, ինն ամիսների և տարեկան կատարման հաշվեքննության» ուղեցույցի հիման վրա մշակված մեթոդական ցուցումներով ՀՀ ազգային անվտանգության ծառայության 2021 թվականի պետական բյուջեի երեք ամիսների կատարման հաշվեքննության նվազագույն ծածկույթ է նախատեսվել 3,583,612.1 հազ. դրամ, որը ապահովելու համար հաշվեքննությամբ ընդգրկվել են պետական բյուջեի «Ազգային անվտանգություն» ծրագրի միջոցառումներով կատարված հետևյալ ծախսերը՝

1. «Հետախուզական, հակահետախուզական, ռազմական հակահետախուզության, հանցագործությունների դեմ պայքարի և պետական սահմանի պահպանության գործունեության կազմակերպում» միջոցառման շրջանակում աշխատողների աշխատանքի վարձատրության ծախսեր՝ 3,721,800.3 հազ. դրամ:

2. «Հետախուզական, հակահետախուզական, ռազմական հակահետախուզության, հանցագործությունների դեմ պայքարի և պետական սահմանի պահպանության գործունեության կազմակերպում» միջոցառման կատարման համար ՀՀ ազգային անվտանգության ծառայության կողմից կնքված 4 պայմանագրեր, որոնց շրջանակում 2021 թվականի առաջին եռամսյակում կատարված ծախսերը կազմել են 75,382.6 հազ. դրամ:

Ընդհանուր առմամբ, հաշվեքննությունը ընդգրկել է ՀՀ ազգային անվտանգության ծառայության կողմից 2021 թվականի առաջին եռամսյակում կատարված 3,797,182.9 հազ. դրամի ծախսերը:

Հաշվեքննության ընթացքում կատարվել է ՀՀ ազգային անվտանգության ծառայության աշխատողների աշխատավարձերի և պարգևավճարների հաշվարկի և վճարման ճշտության ընտրանքային ուսումնասիրություն:

ՀՀ ազգային անվտանգության ծառայության «Հետախուզական, հակահետախուզական, ռազմական հակահետախուզության, հանցագործությունների դեմ պայքարի և պետական սահմանի պահպանության գործունեության կազմակերպում» բյուջետային ծրագրային միջոցառումով հատկացված միջոցներով վարձատրվող աշխատողների հաստիքացուցակից համակարգչային ծրագրի միջոցով կատարվել է 73 աշխատողների պատահական ընտրություն ընդհանուր թվակազմից՝ ըստ պաշտոնների յուրաքանչյուր խմբի: Ընդ որում, ընտրության արդյունքները ճշգրտվել են այնպես, որ յուրաքանչյուր պաշտոնների խմբից ընտրվի առնվազն մեկ աշխատող (աղյուսակ 2):

Աղյուսակ 2

ՀՀ ազգային անվտանգության աշխատողների համակարգչային ծրագրի միջոցով պատահական ընտրություն

Պաշտոնների խումբ	Միջոցառում 1	
	ընտրված աշխատողների քանակ	ճշգրտված քանակ
Գլխավոր խումբ	0	1
Ավագ խումբ	12	12
Միջին խումբ	23	23
Կրտսեր խումբ	31	31
Պայմանագրային զինծառայողներ	2	2

Զինվորական կոչում չունեցող	4	4
Ընդամենը	72	73

Ընտրված աշխատողների հունվար, փետրվար և մարտ ամիսների աշխատավարձերի և պարգևատրումների ցուցակների ուսումնասիրությունը ցույց է տվել, որ բոլոր ընտրված աշխատողների աշխատավարձերը և պարգևատրումները հաշվարկվել և վճարվել են օրենսդրության պահանջներին համապատասխան:

2021 թվականի ՀՀ պետական բյուջեի «Ազգային անվտանգություն» ծրագրի կատարման համար մարտի 31-ի դրությամբ ՀՀ ազգային անվտանգության ծառայությունը կնքել է գումարային 1,467,749.9 հազ. դրամի պայմանագրեր: Հաշվեքննության ենթարկված ՀՀ ազգային անվտանգության ծառայության կողմից «Հետախուզական, հակահետախուզական, ռազմական հակահետախուզության, հանցագործությունների դեմ պայքարի և պետական սահմանի պահպանության գործունեության կազմակերպում» միջոցառման կատարման համար կնքված պայմանագրերը ներկայացված են աղյուսակ 3-ում:

### Աղյուսակ 3

#### Հաշվեքննության ենթարկված ՀՀ ազգային անվտանգության ծառայության պայմանագրեր

Կատարող	Պայմանագրի համար	Պայմանագրի գումար	հազ. դրամ Առաջին եռամսյակի վճարում
<b>Հետախուզական, հակահետախուզական, ռազմական հակահետախուզության, հանցագործությունների դեմ պայքարի և պետական սահմանի պահպանության գործունեության կազմակերպում</b>			
«Սիֆիէս ՕիԼ» ՍՊԸ	ՀՀ ԱԱԾ-ՏՆՏԿ-ԲՄԱՊՁԲ-21/1-ՎԱՌԵԼԻՔ/1	409,500.0	68,250.0
«Արիկո-Գոռ» ՓԲԸ	ՀՀ ԱԱԾ-ՏՆՏԿ-ԳՀԱՊՁԲ-21/1-ԳՐԵՆԱԿԱՆ/5	2,765.3	2,511.6
«Աստղիկ Գրատուն» ՍՊԸ	ՀՀ ԱԱԾ-ՏՆՏԿ-ԳՀԱՊՁԲ-21/1-ԳՐԵՆԱԿԱՆ/7	2,392.0	2,392.0
«Փեյփր Հաուս» ՍՊԸ	ՀՀ ԱԱԾ-ՏՆՏԿ-ԳՀԱՊՁԲ-21/1-ԳՐԵՆԱԿԱՆ/13	14,354.8	2,229.0
Ընդամենը		429,012.0	75,382.6

2021 թվականի կարիքների համար ՀՀ ազգային անվտանգության ծառայությունը «Սիֆիէս ՕիԼ» ՍՊԸ հետ 2020 թվականի դեկտեմբերի 18-ին բենզին և դիզելային վառելիք գնելու համար կնքել է պայմանագիր՝ 409,500.0 հազ. դրամ արժեքով: Պայմանագրով նախատեսվել է ձեռք բերել 1200000 լ ռեզուլյար տեսակի բենզին, մեկ լիտրը՝ 284 դրամով և 300000 լ դիզելային



վառելիք, մեկ լիտրը՝ 229 դրամով: 2021 թվականի առաջին եռամսյակում պայմանագրի գնման ժամանակացույցին համապատասխան մատակարարվել է 200000 լ ռեգուլյար տեսակի բենզին և 50000 լ դիզելային վառելիք, որի դիմաց ՀՀ ազգային անվտանգության ծառայությունը վճարել է ընկերությանը 68,250.0 հազ. դրամ: Հարկ է նշել, որ 2020 թվականին ՀՀ ազգային անվտանգության ծառայությունը նույն 1200000 լիտր ռեգուլյար բենզինի և 300000 լ դիզելային վառելիքի գնման համար կնքել էր պայմանագիր 571,500.0 հազ. դրամ արժեքով, և նախորդ տարվա համեմատ 2021 թվականին «տրանսպորտային նյութեր» հոդվածով վառելիքի գնման համար ծախսը պակաս է 162,000.0 հազ. դրամով:

ՀՀ ազգային անվտանգության ծառայությունը «Աստղիկ Գրատուն» ՍՊԸ հետ 2021 թվականի փետրվարի 5-ին կնքել է 2,392.0 հազ. դրամի պայմանագիր՝ 3528 կգ օֆսեթային թուղթ (70 գրամ) մատակարարման համար, մեկ կգ՝ 678 դրամով: 2021 թվականի առաջին եռամսյակում պայմանագրի գնման ժամանակացույցին համապատասխան մատակարարվել է ամբողջ խմբաքանակը, որի դիմաց ընկերությանը ամբողջությամբ վճարվել է պայմանագրի գինը:

ՀՀ ազգային անվտանգության ծառայությունը «Փեյփր Հաուս» ՍՊԸ հետ 2021 թվականի փետրվարի 5-ին կնքել է 14,354.8 հազ. դրամի պայմանագիր՝ 25760 կգ օֆսեթային թուղթ (A4) մատակարարման համար, մեկ կգ՝ 557.3 դրամով: 2021 թվականի առաջին եռամսյակում պայմանագրի գնման ժամանակացույցին համապատասխան մատակարարվել է 4000 կգ օֆսեթային թուղթ, որի դիմաց ՀՀ ազգային անվտանգության ծառայությունը վճարել է ընկերությանը 2,229.0 հազ. դրամ:

ՀՀ ազգային անվտանգության ծառայությունը «Արիկո-Գոռ» ՓԲԸ հետ 2021 թվականի փետրվարի 5-ին կնքել է 2,765.3 հազ. դրամի պայմանագիր 1750 կգ 1-ին փաթեթավորման ինգիբիտոր թուղթ՝ 1 կգ 690 դրամ, 403 կգ օֆսեթային թուղթ (80 գրամ)՝ 1 կգ 690 դրամ, 302 կգ օֆսեթային թուղթ (240 գրամ)՝ 1 կգ 840 դրամ և 1500 կգ սովարաթուղթ թերթով՝ 1 կգ 684 դրամ: 2021 թվականի առաջին եռամսյակում պայմանագրի գնման ժամանակացույցին

համապատասխան «Արիկո-Գոո» ՓԲԸ կողմից մատակարարվել է 2,511.6 հազ. դրամի տարբեր տեսակի թուղթ:

ՀՀ ազգային անվտանգության ծառայության ֆինանսական հաշվետվությունների ուսումնասիրությունից պարզվել է, որ տնտեսագիտական դասակարգման առանձին հոդվածներով հաշվետու ժամանակահատվածի համար նախատեսված ծախսերը չեն կատարվել կամ կատարվել են էական պակաս: Մասնավորապես, «Հետախուզական, հակահետախուզական, ռազմական հակահետախուզության, հանցագործությունների դեմ պայքարի և պետական սահմանի պահպանության գործունեության կազմակերպում» միջոցառման շրջանակում 2021 թվականի առաջին եռամսյակի համար «կենցաղային և հանրային սննդի նյութեր» հոդվածով ճշտված պլանը նախատեսված էր 13,452.8 հազ. դրամ, դրամարկղային ծախսը կազմել է 120.0 հազ. դրամ, «կապի ծառայություններ» հոդվածով ճշտված պլանը նախատեսված էր 30,000.0 հազ. դրամ, սակայն ծախսեր չեն կատարվել: Բացի այդ, «գրասենյակային նյութեր և հագուստ» հոդվածով առաջին եռամսյակի ընթացքում գնվել են միայն գրասենյակային նյութեր՝ 8,615.2 հազ. դրամի, իսկ հագուստ ձեռք չի բերվել:

Հաշվի առնելով վերոգրյալը, սննդամթերքի և հանդերձանքի գնման համար 2021 թվականին կնքված պայմանագրերը և դրանց շրջանակում կատարված ծախսերը կուսումնասիրվեն պետական բյուջեի վեց ամիսների հաշվեքննության ընթացքում:

Հաշվեքննության իրականացման համար ՀՀ ազգային անվտանգության ծառայության կողմից ներկայացված 2021 թվականի առաջին եռամսյակի ֆինանսական գործունեության հետ կապված հաշվետվությունների ցուցանիշները համադրվել են ՀՀ ֆինանսների նախարարության գանձապետարանի գործունեության էլեկտրոնային համակարգի LS Finans և LS Rep ծրագրերի տվյալների, ինչպես նաև առանձին հոդվածներով ծախսերը հիմնավորող փաստաթղթերի հետ: Հաշվեքննության ընթացքում խեղաթյուրումներ և անհամապատասխանություններ չեն հայտնաբերվել:

## ԱՐՁԱՆԱԳՐՎԱԾ ԱՅԼ ՓԱՍՏԵՐ

Հաշվեքննության իրականացման համար պահանջված տեղեկատվությունը ներկայացվել է ամբողջությամբ և սահմանված ժամկետներում:

Հաշվեքննվող օբյեկտի ղեկավարությունը ծանոթացել է հաշվեքննության արդյունքներով կազմված արձանագրությանը, առարկություններ և բացատրություններ չունի:

**Համաձայն «Հաշվեքննիչ պալատի մասին» ՀՀ օրենքի 38-րդ հոդվածի 4-րդ մասի պահանջի՝ ընթացիկ եզրակացությունը ստանալուց հետո՝ 30 օրվա ընթացքում ՀՀ հաշվեքննիչ պալատին տրամադրել ընթացիկ եզրակացությունում ամրագրված անհամապատասխանության, խեղաթյուրման վերացման, առաջարկությունների իրականացման և ընթացիկ եզրակացության վերաբերյալ այլ գրավոր տեղեկատվություն:**